



海東逸史卷十

翁洲老民手稿

列傳七

張肯堂字載甯號鯢淵小賦紀年南疆南直華亭人天啟五年進

士崇禎末以僉都御史巡撫福建南都亡總兵鄭鴻逵擁唐王入

閩與其兄南安伯芝龍及肯堂勸進遂加太子少保吏部尚書會

原任工部侍郎曾櫻明季南略云字仲含號二雲江西峽江縣人

萬曆丙戌進士官至文淵閣大學士閩中亡

避居廈門辛卯廈門破自縊死國朝賜諡忠節

至言官請令櫻掌吏部乃令肯堂掌都

察院紀年云肯堂以羽職功進兵部尚書改掌都察院事尋復轉戶工吏二部尚書

肯堂面陳恢復大計因言江干之禍皆由罪輔馬士英又加以棄主而逃今聞其在浙

法所不赦故唐王登極詔中即發其罪士英叩關自理七疏皆不

納而芝龍力為之請詔令其恢復杭州始申雪於是士英竟不得

海東逸史

卷十

一 飲雪軒校本

入然芝龍終無意恢復惡肯堂之日以親征勸王也思出之外肯

堂因自請出募舟師由海道抵吳淞倡義旅與浙東相倚援乃加

少保兼戶工二部尚書總制北征賜尚方劍給敕印便宜從事以

吏部侍郎朱永祐兵科給事中徐孚遠從行皆肯堂同里人也按

年時永祐官太常寺卿本傳云加侍郎銜又以為上海人肯堂乃請平海將軍周鶴芝將前軍

定洋將軍辛一根將中軍樓船將軍林習山釋史鮎埼亭集紀年

戊十二月鄭成功起兵海上又云以林習山為樓船鎮是否一人未詳將後軍行有日矣芝龍密疏

止之以其私人郭必昌代為總制命肯堂回福京監鄉試事丙戌

八月閩中陷肯堂飄泊海外出私財募兵與周鶴芝共事尋為鶴

芝所忌乃北發己丑十月至舟山魯王拜為東閣大學士加太傅

辛卯八月北兵大至有勸肯堂他適者肯堂曰我昔為閩撫應死

封疆以唐王存亡未審故不死後知魯王在是亦高皇帝子孫因

事之今更何所圖惟有一死而已北兵乘大霧集螺頭門定西侯

張名振奉王航海擣吳淞思牽制北兵以肯堂為留守城中兵六

千居民萬餘堅守十餘日城破肯堂衣蟒玉南向坐視其妾周氏

方氏姜氏鮎崎亭集云畢氏子婦沈氏女孫茂漪次第縊死乃從

容賦詩紀年載其詩云虛名廿載誤塵寰晚節空餘學問難賦

虧在克艱寄語千秋青聊歌正氣續文山君恩未報徒長恨臣道無

史筆衣冠二字莫輕刪自縊於院左之雪交亭國朝賜雪交亭

者滿院梨花肯堂平日讀書處也中軍將林志燦林桂並格鬪死

守備吳士俊家人張俊彭欽集並作歡皆絕脰死北帥聞肯堂

有絕命詞手跡懸賞募之一老兵得之以獻北帥賞之不受曰我

志在表揚忠義耳不為利也

蘇兆人字寅堂鮎崎亭集吳江人諸生少師事張肯堂南都失守

亡命海上肯堂既相薦授中書舍人尋進禮部主事嘗謂肯堂曰

海東逸史 卷十 二 歡雪軒校本

先生他日必死國事兆人當為先驅時傳江陰諸生黃毓祺殉節

時獄中詩至小腆紀年云毓祺字介茲真死西閏六月起兵大

夢誰分醜與妍塘已丑三月被執至江甯不屈死有小遊仙詩云行

自前桂折蘭摧誠短景蕭蕭艾苑豈長年歸途不向虛無覓朽骨

徒為此蔓草纏為愁草盤稻苗稀日暮徐看荷錦歸何處先生讀

好此中居士故非草盤魚不肯憐蛟瘦飽鸚鵡能笑鶴飢請讀

莊齊物論橫空白月冷侵衣散髮人開汗漫遊風吹白鳥忽西流

洵沙價彌斜飛燕孔雀偏逢舐觸牛鄉里小兒朝拜相江湖曠

夜封侯神仙赤舌如飛雷開口舒光笑不休腹中書拜相他人曠

鼻禪從甚處懸惟有丹心堅自愛能鑿破化為圖最無根蒂是

人羣會合成偶爾文沙際驚鷗常泛泛風前落葉自紛紛掉頭

東海隨烟霧屈指西園散雨屢更炎涼堪絕倒灑陵愁殺龍顏難

軍百年世事弈棋枰冷眼常觀局屢更炎涼堪絕倒灑陵愁殺龍顏難

與共昇平遙空自有飢鷹擊古路無狡兔橫為報韓盧并宋魏

只今公等固當烹肯堂兆人並和之冠年云兆人和詩有不改衣

向及舟山破賦絕命詞曰保髮嚴夷夏扶明一死生孤忠惟自許
義重此身輕拜肯堂曰兆人行矣卽縊於雪交亭下國朝賜肯
堂拜且哭以酒酌之而後自縊

吳鍾巒字峻伯別字釋山號霞舟南直武進人弱冠爲諸生出入文壇者四十餘年海內推爲名宿而不得第晚以貢生教諭光州從河南鄉舉成崇禎七年進士年已五十八矣授長興知縣以旱潦徵練餉不中額謫紹興府照磨踰年移桂林推官聞京師變流涕曰馬君常小腆紀年云謂馬世奇必能死節已而果然福王立遷禮部南釋史作吏部主事行抵南雄聞江南陷轉赴福建痛陳國計唐王甚重之補廣東副使未行聞中又亡魯王次長垣以錢肅樂薦召爲通

政使肅樂鍾巒丙子同考所得士也申明職掌疏言近來遠近奏章武臣則自稱將軍都督文臣則自稱都御史侍郎三品以下不屑署也至所在游食江湖者則又假造偽印販鬻官爵偃臥邱園而曰聯師齊楚保守妻子而曰聚兵數萬請加嚴核募兵起義者則當辨其冊籍花名原任職官者則當辨其敕書劄付王是之陛

海東逸史

卷十

三 飲雪軒校本

禮部尙書原官如故兼督學政己丑七月王次健跳閩地盡失每日朝於水殿而鍾巒飄流所至輒試其士之秀者入學率之見王襖衫巾縑拜起秩秩或哂其迂鍾巒曰陸秀夫在厓山舟中尙講大學豈可顛沛失禮乎按紀年鍾巒曰濟濟多土維周之積可以亂世而失教士耶在舟山朱永祚與講願氏東林之學或笑其迂答曰然則厓山陸丞相亦非耶十月從至舟山加太子太保辛卯入月舟山破鍾巒時在普陀慷慨語人曰昔者吾師高忠憲公紀年云謂

高攀龍與吾弟子李仲達死奄難吾爲詩哭之吾友馬君常死國難吾爲詩哭之吾門生錢希聲從亡而死吾爲詩哭之吾子禡之倡

義而死按紀年以乙酉六月起兵太湖越三月事敗投湖死國朝入祀忠義祠吾爲詩哭之吾老矣

不及此時尋塊乾淨土卽一旦疾病死其何以見先帝謝諸君於地下哉然吾從亡之臣當死行在遂復渡海入城與大學士張肯堂訣曰吾以前途待公乃至文廟積薪左廡下藏所註易經於懷

抱孔子木主舉火自焚賦絕命詞曰只爲同志催程急故遣臨行

水澣衣時年七十五

國朝賜諡忠烈

李向中字豹韋號立齋湖廣鍾祥人崇禎十三年進士授長興知

縣以能調秀水內遷車駕司主事甫至淮而國亡福王時進郎中

巡視浙西嘉湖兵備尋調蘇松甫至任而南都又亡乃與沈猶龍

小腆紀年云字雲升華亭人萬曆丙辰進士歷官至兵部右侍郎乙酉八月松江破中流矢死夏允彝等起兵不

克走至閩唐王以爲尙寶卿閩中敗避海濱劉中藻起兵於福安

向中同朝於王所拜兵部侍郎巡撫福甯監福安軍福安破從王

航海進兵部尙書兼掌都察院事從至舟山加太子太保是時諸

臣寄命舟楫日炙風餐面目黧黑獨向中丰采隱然白晢如故庚

寅冬丁外艱令墨纒視事辛卯八月舟山破歎曰先帝以治行拔

向中不能死難華亭之役不與沈夏諸公俱死福甯之役不與劉

海東逸史

卷十

四 飲雪軒校本

公俱死偷生七載亦希得一當以報先帝今已矣我死幸投我海

中以志恨北帥召之大罵不赴發兵捕之以纒經見北帥呵之曰

聘汝不至捕之卽來何也向中瞠目曰前則辭官今來就戮耳因

大罵而扼其絕命詞有血化叢宏碧相向燃死灰之句行刑者乃

其舊部遂投其屍於海年四十一

國朝賜諡忠節

長子善毓從死

朱永祐字爰啟號聞玄南直上海人崇禎七年進士授刑部主事

改吏部乞假歸友人問近讀何書曰忠孝二字未熟何暇丹鉛乙

西南都大亂預於夏陳諸公之事唐王立於閩中召爲文選司郎

中改戶兵二科都給事中遷太常寺卿兼原官時尙書張肯堂出

募舟師乃加永祐侍郎銜偕行數勸鄭芝龍毋降不聽將遣力士

趙牧刺之亦不果閩中破魯王擢拜刑部侍郎王至台加吏部左

侍郎舟山建國以工部尙書仍兼吏部事辛卯八月舟山破適病

不能起被執北帥勸之曰文丞相尙有黃冠歸故鄉之語先生若
肯鬚髮便可不死永祐曰吾髮可鬚何待今日遂口占絕命詩有
云縱使文山猶在日也應無髮戴黃冠請死益力跌坐受刃其僕
負屍出城流血沾衣哭曰主生前好潔今遂無知耶血遂止朝賜
證烈
愍

海東逸史

卷十

五
飲雪軒校本

楊家駭繩孫

王善長子祥
參校

海東逸史卷十一

翁洲老民手稿

慈谿楊泰亨理庵校刊

列傳八

黃斌卿號虎癡與化衛人以恩例授把總崇禎開官至翁洲參將

福王時擢浙江

小腆紀年

總兵南都亡遁歸唐王立得附勸進乃

上言舟山為海外巨鎮番舶來往饒魚鹽之利西連越郡北達長江此進取之地也王善之封為肅虜伯賜劔印率兵屯舟山得便

宜行事魯王監國以兵來會進侯紹興陷富平將軍張名振扈王

出海投斌卿斌卿不納王遂飄泊外洋然斌卿怯於大敵而勇於

害其同類副使荆本徹屯小沙嶼斌卿擊殺之并其眾叛將張國

柱悉師攻舟山為阮進敗去斌卿復得其樓船百號聲勢益振而

進實名振之水營部將斌卿聞之使背名振奪其船隻軍資器械

海東逸史

卷十一

飲雪軒校本

無算甯國公王之仁鎮倭將軍王鳴謙至舟山斌卿並誘擊之忠

威伯賀君堯以殺禮部尚書顧錫疇

純年云字瑞屏崑山人萬曆己未進士南都授禮部尚書

閩中進東閣大學士

國朝賜諡節愍為眾論所不與挾重賞來舟山斌卿遣盜殺

之掠其貲平西將軍王朝先在蛟關斌卿利其兵力貽書招之中

途遣將假迎劫之朝先跳水得免於是諸將積恨斌卿會王在沙

埕名振進同往迎之進軍飢恃昔日保全舟山之力以百艘來告

急斌卿不應亦不使人至行在朝先遂與名振進合詞上疏於王

揭其罪惡有旨奉討斌卿遣其將朱玖

紀年

作玖陸璋禦之輒敗求救

於安昌王恭操大學士張肯堂上章待罪所不改心以事君者有

如水又議和於諸營曰彼此皆王臣也兵至無妄動靜候處分初

皆安堵既而致瑋背約出洋諸將疑斌卿之逃也縱兵擊之沈斌

卿於水

國朝賜諡

二女皆死焉

王朝先故四川土司也

小腆紀年云翁洲人

崇禎中調征遼東官平西將軍

京師陷南奔魯王時擁兵蛟關黃斌卿利其兵力屢貽書招之朝先

先率二艦渡橫水洋斌卿卽遣標將朱致陸璋以假迎劫之朝先

跳水得免既至斌卿摘其印留之部下不任以事定西侯張名振

爲之力請還其印解衣衣之贈以千金朝先居閒請徇邊海至奉

化之鹿頸南疆釋史作鹿頭鎮四五月而聚兵數千邊海爲之出賦丁亥王

次長垣封爲平西伯紀年作已丑七月受朝先於是深結名振及

蕩胡伯阮進以二人與斌卿有隙也已丑閩地盡陷王至健跳軍

飢告急斌卿斌卿不應會斌卿標將黃大振得罪逃朝先所因誑

朝先日將軍家口及標屬盡被本爵所鈔沒某以苦諫獲戾故出

亡耳朝先積恨久遂與名振進合兵攻之殺斌卿而并其衆朝先

既得志威福日作漸與名振攜貳爭糧爭汛逞力恃強名振銜之

海東逸史 卷十一 二 歆雪軒校本

辛卯二月名振忽引兵至時朝先居守舟山名振治兵南田朝先
不虞其見襲也士卒散遣民舍倉猝無備手格數人而死
周鶴芝字九玄小腆紀年作號九京福清人讀書不成去而爲盜於海嘗往
來日本以善射名與撒斯瑪王結爲父子故在海中無不如意聞
至家爲有司迹捕繫獄三年賄吏得解爲盜如故久之就撫以黃
華關把總稽察商船唐王立加水軍都督封平海將軍副黃斌卿
駐舟山斌卿爲人猜忌而鶴芝慷慨下士來者多歸附由是與斌
卿不合魯王在紹興鶴芝議乞師日本已有成約斌卿止之曰大
司馬余煌書來此吳三桂乞師之續也鶴芝怒而入閩斌卿乃自
遣其弟孝卿同御史馮京第往日本不見鶴芝之師卒不出王至長
垣禡牙出師封鶴芝爲平夷伯鶴芝帥師復海口以參議林籥舞
總兵趙牧守之旋復陷籥舞牧並死之鶴芝退保火燒畧尋同鄭

彩阮進之師攻福州復敗績王至舟山鶴芝與弟瑞以樓船三百餘號分屯温之三盤以爲舟山犄角未幾與瑞有隙王使吳

紀年作胡

明中往解之明中至搆之益甚瑞遂南依鄭彩鶴芝亦北結阮進彩與鄭成功爭廈門爲成功所敗泊沙埕鶴芝進旣怨瑞而張名振欲結歡成功遂與鶴芝進擊破彩之餘兵鶴芝軍遂振辛卯八月舟山破鶴芝航海往日本不知所終箭舞莆田人趙牧常熟人並爲鶴芝客鄭芝龍之降北也箭舞陳八不可弗聽監軍朱永祐謂鶴芝曰虞山趙牧其人勇士也我欲使見芝龍而刺之不果後並死海口

阮進會稽人本海中盜也善水戰富平將軍張名振拔之使管水營常率一艦破賊船三百餘故海上多望而畏之叛將張國柱攻舟山黃斌卿不能禦進以四舟衝國柱營時秋濤方壯大礮乘之

海東逸史

卷十一

三 飲雪軒校本

所向糜碎國柱僅以身免斌卿獲其樓船器械無算反忌名振之有是人也以計閒之使背名振而從己進心弗善也丁亥王次長垣封進蕩胡伯己丑六月名振復健跳所以處王七月北兵圍健跳進率其樓船數百奮勇而至金鼓震天北兵解去九月軍飢進恃昔日保全舟山之力以百艘泊舟山告急斌卿不應遂與名振朝先等合兵攻之殺斌卿投之於海由是水師盡歸於進王至舟山加進太子太保辛卯八月北兵分三道來攻名振扈王出海而使進居守進詣海門議和北人欲誘之進以數船脫歸值北師舟過進投以火毬風轉篷腳反擊進面創甚投水爲北兵所獲逼之降大罵乃殺之姪駿初官英義將軍加封英義伯舟山破與名振扈王出海屯廈門乙未與總制陳雪之共圍舟山破之丙申復陷與雪之並赴海死

姚志卓字子求長興人小腆紀年云與金堡同里係仁和人乙酉閏六月與參將方

元章起兵以錢塘人張起芬爲將攻破餘杭與江東諸營遙爲聲

援金堡紀年云字道隱崇禎庚辰進士至閩奏其戰功唐王封爲仁武伯十二月

餘杭陷走於潛元章戰死丙戌十月戰江山又敗遁入處州山中

其兄志元僞稱志卓已降志卓得脫而志元見殺是月與詹兆恆

紀年云字月如江西永豐人崇禎辛未進士歷官至兵部尚書丁亥三月交開化不克死之國朝賜諡忠烈同破永豐

其後遷徙無常至乙未冬紀年作甲午正月定西侯張名振少司馬張煌

言率水師至鎮江志卓以其兵來會力攻崇明沒於陣而起芬被

執至杭懸之樹間射殺之素不讀書臨刑有詩云身經刀過頭方

貴死不泥封骨亦香

海東逸史

卷十一

四

飲雪軒校本

楊家駮繩孫

參校

王善長子祥

翁洲老民手稿

慈谿楊泰亨理庵校刊

列傳九

張名振字侯服山西人南京錦衣衛籍崇禎末以副將任台州石

浦游擊封富平將軍

據小腆紀年魯王監國始加是銜

乙酉杭州失守潞王降錢

肅樂等舉義名振以兵來赴魯王監國封富平伯丙戌六月江上

師潰名振棄石浦遣中軍方簡以舟師迎王出海投肅虜伯黃斌

卿於舟山斌卿不納遂飄泊外洋會閩中丞勝伯鄭彩以失撫州

獲罪乃遣其將陳輝來迎王遂居廈門封彩建國公進名振定西

侯丁亥四月吳淞提督吳勝兆反正以蠟書來求援斌卿不敢應

而故都御史

按紀年時方進侍郎

沈廷揚及僉憲張煌言侍御馮京第並勸

名振以其兵就約時斌卿已進肅虜侯其肅虜伯故印猶在名振

海東逸史

卷十二

一 飲雪軒校本

卽以其印封勝兆刻師期而請廷揚煌言京第及給事中徐孚遠

監其軍以行聯鯨二千將抵崇明海嘯大風舟覆踉蹌而歸廷揚

死焉己丑六月帥師復健跳所時闖地盡陷鄭彩亦棄王而去名

振迎王至浙九月與蕩胡伯阮進平西伯王朝先合兵攻舟山殺

斌卿王遂移蹕舟山稱行在焉乃進名振太師當國政辛卯七月

北兵三道攻舟山名振以蛟關天險海上諸軍熟於風信足以相

拒必不能猝渡乃留阮進守橫水洋而自以兵奉王攜吳淞以牽

制之軍甫發而進以反風失勢戰死城遂陷名振聞信慟哭欲投

於海王與諸將救之而止乃復與英義伯阮駿扈王出海至廈門

見延平王鄭成功成功大言曰汝爲定西侯數年所作何事名振

曰中興大業成功曰安在名振曰濟則徵之實績不濟則在方寸

間耳成功曰方寸何據名振曰在背上卽解衣示之有赤心報國

四字長徑寸深入肌膚成功見之愕然悔謝曰久仰老將軍聲望
奈多憎之口何因出歷年謗書盈篋名振立命火之於是待名振
以上賓行交拜禮總制諸軍癸巳春名振請師北上成功與兵二
萬糧三月以兵部侍郎張煌言監其軍師過舟山遙祭死事諸公
遂入長江趨丹陽掠丹徒登山望石頭城遙祭孝陵三軍慟哭
失聲題詩絕壁有十年橫海一孤臣之句原註詩云十年橫海一
孤臣佳氣鍾山望裏眞
鵝首義旗方出楚燕雲羽檄已通閩王師炮鼓心肝碎
父老齒漿涕淚頻南望孝陵兵綽素會看大壺禱龍津冬盡撤回
明年春益以兵將再入長江掠瓜州侵儀真抵燕子磯札營平陽
時以上游有蠟書請爲內應故名振再舉而所約卒不至乃還復
屯軍南田名振與士卒同甘苦諸軍感甚有太師旣枵腹我輩亦
忘飢之謠會故仁武伯姚志卓誠意伯劉孔昭並以軍來依名振
立營號召舊旅聲勢益振遂攻崇明入吳淞掠戰船六百餘號徑
海東逸史 卷十二 二 徵雪軒校本

入山東登萊諸處直抵高麗而還按紀年癸巳三月請兵北上姚
志倬劉孔昭以衆來依駐營崇
明尋撤回九月復駐平陽糧絕十二月大兵與戰敗績甲午正
月以上游有蠟書爲內應再入長江登山遙祭孝陵題詩東下
四月復以海艘至儀真焚商船六百號尋乙未冬英義伯阮駿總
以沙船入山東登萊諸處直抵高麗乃還制陳雪之帥師破舟山北將巴臣興降名振徒步痛哭入城至故
宮祭元妃陳氏及殉難諸忠臣又祭其母大作佛事哀動三軍按
紀年

年事在是旋感疾臨終起坐擊牀連呼先帝數聲而沒紀年十一月
乙未十一月
十一月
年五月有大星隕海光芒如雷聲甚洪葬時白鶴千羣盤旋數日而
未也

去先是舟山破名振母李氏自縊死庶母范氏赴水死妻馬氏奉

其舅木主赴火死兄諸生名甲觸階死弟左都督名揚被執不屈

死閩門自焚死兄名甲奉木主自焚死不著李氏內姪職方主

事馬呈圖兵部司務貢圖參謀顧民楫監國紀作明楫紀年同入
太廟題詩有愁魂應傍孝

陵歸之句扼吭死勝朝殉節諸臣監軍御史梁隆吉並自刎死部
錄云順天人國朝入祀忠義祠

將焦文紀年作字稚存山西人官總兵舟山破力戰負傷自刎死
妻張氏葬畢亦自刎楊復葵字向昇亦山西人官陸師副將舟山
破其標下挾之降投水死計一門三十餘人無一存者

海東逸史

卷十二

三
飲雪軒校本



楊家駮繩孫

參校

王善長子祥

列傳十

張煌言字元箸號蒼水鄞縣人刑部員外郎圭章子少時跌踢不羈常負博進錢醉臥社祠中夢神謂之曰君宜自愛他日成大事者君也由是感寤折節讀書崇禎十五年舉鄉試明年下第歸京師陷憤不欲生乙酉閏六月錢肅樂等舉兵移檄會諸鄉老煌言先至卽遣迎魯王於天台授行人至會稽賜進士出身加翰林院編修改兵科給事入典制誥出籌軍旅頗見其優紹興破泛海入舟山道逢富平將軍張名振扈王入閩從之既至招討使鄭成功以前頒詔之隙修寓公之敬於王而不爲用煌言勸名振還石浦謀再舉加右僉都御史自立一營曰平岡軍時黃斌卿守舟山

海東逸史

卷十三

一 飲雪軒校本

名振以石浦之軍與爲犄角明年春

小腆紀年作丙戌四月監國紀同

吳淞提督

吳勝兆請以所部來歸斌卿不欲往煌言勸名振應之遂監其軍以行抵崇明大風舟覆煌言等皆被執乘閒脫歸已諸將殺斌卿王至舟山煌言以所部入衛拜兵部右侍郎辛卯八月

紀年作九月監國紀

同舟山破煌言與名振扈王再入閩次廈門時漢中已封鄭成功爲延平王軍容甚盛不肯奉王煌言獨以名振之軍爲王衛時時激發諸藩使爲致貢然煌言極推成功之忠嘗曰招討始終爲唐

真純臣也成功聞之亦曰侍郎始終爲魯豈與吾異趣哉故成功與煌言所奉不同而其交甚睦癸巳春會名振之師入長江烽火逮金陵江南震動時上游故有宿約而失期不至左次崇明甲午再入長江故誠意伯劉孔昭以軍來會或以孔昭南都亂臣宜絕之煌言曰孔昭罪與馬阮等然馬阮再賣浙東而孔昭以操江親

兵棲遲海上累年則其心尚可原也明年名振卒遣言以所部歸
煌言時王已去監國號通表滇中桂王遣使加煌言左侍郎兼翰
林院學士已亥成功與煌言會於天台悉師北上六月成功攻鎮

江煌言以偏師薄觀音門乘虛

原作應以意改

入江浦會所遣別將以蕪

湖降書至乃至蕪湖傳檄郡縣大江南北相率來歸其已下者四
府三州二十四縣而成功以累捷又聞江北如破竹謂金陵可旦

夕下前鋒將余新銳而輕士卒樵蘇四出營壘一空北師謀知之
以輕騎襲破前屯擒新去成功倉猝移帳諸營瓦解其將甘輝

云海澄人

以馬躡被擒死之軍遂大潰竟撤鎮江之師出海煌言歸路

已梗乃引舟歸鄱陽八月七日與楚師遇而兵潰焚舟登陸士卒
尚數百人慄霍山英山度東溪嶺追兵奄至士卒皆竄止一童一

卒從迷失道乃賂土人爲導變服夜行由樅陽湖出江渡黃盪抵

海東逸史

卷十三

二 飲雪軒校本

東流之張家灘陸

原作隨以意改

行建德祁門

原謂山據

兩山之中由休

甯入嚴州旣而山行自東陽義烏出天台以達海孺樹轟鳴角散
亡復集遣使告敗滇中且引咎桂王手敕慰問加煌言兵部尙書

兼東閣大學士命仍奉魯王監國而成功自喪敗之後不能自振
思取臺灣以休士煌言貽書挽之謂軍有進寸無退尺今入臺則

將來兩島皆不可守孤天下之望矣成功不聽王寅春滇中陷五
月成功亦卒於臺北安撫使以書來招煌言煌言復書略言不佞

所以百折不回者上則欲匡扶宗社下則欲保捍桑梓乃因國事
之靡甯而致民生之愈蹙十餘年來海上芻蕘糗糒之供樓櫓舟

航之費敲骨吸髓言之慘然况復重之以遷徙訖以流離哀我人
斯亦已勞止今執事旣以保民息兵爲言則莫若盡復濱海之民

卽以濱海之賦畀我在貴朝旣捐棄地以收人心在不佞亦暫息

爭端以俟天命當與執事從容羊陸之交別求生聚教訓之區於
十洲三島閒而沿海藉我外兵以禦他盜是珠厓雖棄休息宜然
朝鮮自存艱貞如故特恐執事之疑且畏耳則請與幕府約但使
殘黎朝還故土不俟卽當夕挂高帆不重困此一方也十一月魯
王薨於金門煌言泣曰孤臣之栖栖有待徒苦部下相依不去者
以吾主上也今何望乎甲辰六月遂散軍於南田之懸巖小巖紀年作懸巖
魯其地在海中荒瘠無人山南有汭港可通舟楫而其北爲峭壁
煌言因結茅居之北帥懼終爲患募得其故校以夜半從山背緣
蘿踰嶺而入暗中執之七月十七日至甯波紀年云十七日被北
帥舉酒屬曰待公久矣煌言曰父死不能葬國亡不能救死有餘
罪今日之事速死而已何必多言至杭州供帳如上賓自督撫而
下無不敬禮之浙人賂守者得覩一面爲幸煌言方巾葛衣終日
海東逸史 卷十三 三 飲雪軒校本

南面坐不言不食惟啜水而已見者以爲天神九月七日臨刑赴
市在竹輿中遙望鳳凰山一帶始一言曰好山色因索筆賦絕命

詞數章行朝錄載其詞云義職縱橫二十年豈知問位在干闥桐

碧血欲支天忠貞自是孤臣事敢望千秋青史傳國亡家破欲何

手分三席特爲丹心借一枝他日素車東浙路半壁江山祠廟將赤

何事孤臣竟息機魯戈不復挽斜暉到來晚節慚松栢此去清風

笑藏微雙鬢難容五嶽住一帆仍向十洲歸臺山遲見文山早青

史他年任是非又明季南畝所載二首諸書所無備錄之詩云峇

諭一息尚圖存吞炭吞醴可共論復望臣靡與夏祀祇憑帝眷答

商孫衣冠猶帶雲霞色旌旆仍留日月痕贏得孤臣同頭果也留

正氣在乾坤不堪百折播孤臣一望蒼茫九死身獨挽龍髯空問

鼎姑留曉臂強當輪謀同曹社非無鬼哭向秦庭那有人可是紅

羊剛換劫黃雲挺立受刑年四十五 諡忠烈 國朝賜 參軍羅子木僕人

楊冠玉殉焉子萬祺已先三日死鎮江子木名綸以字行溧陽人

已亥煌言師出長江子木挾策上謁煌言奇之欲留之幕以父老
辭成功因強其奉父泛海子木至海上不欲參成功軍事因奉父

北行將赴煌言軍猝遇北兵格鬪子木墮水得救起而其父被縛
去子木展轉閩南思出奇計以救父逾時不得音聞嘔血幾死復
赴煌言軍煌言勉以立功卽爲報讎遂相依不去竟同死冠玉鄭
人

海東逸史

卷十三

四 飲雪軒校本



楊家駭繩孫

王善長子祥 參校

海東逸史卷十四

翁洲老民手稿

慈谿楊泰亨理庵校刊

忠義一

董志甯字幼安鄞縣人歲貢生以名節自勵乙酉六月北兵入浙志甯與同里諸生陸宇燁張夢錫華夏王家勤毛聚奎徧謁搢紳勸以舉義皆笑以為狂獨刑部員外郎錢肅樂是之顧其事莫能

集閏六月八日餘姚兵起明日會稽應之又明日鄞人始會議肅

樂獨任之按小腆紀年餘姚兵起係初九日鄞縣則十二日也而故太僕謝三賓家富耦國

適從江上迎降歸惡聞其事定海總兵王之仁亦以迎降得仍舊

任者三賓私遺書乞以所部來斬此六狂生當以千金為毒之仁

許之既而中悔致書肅樂請自效三賓不知也翌日大會演武場

之仁出書責三賓令斬以祭蠹三賓叩頭乞哀請出家財充餉乃

海東逸史

卷十四

一 飲雪軒校刊

止魯王監國授志甯大理寺評事視師瓜里而三賓亦至以賂結

戚畹張國俊驟躋東閣志甯遂棄官歸丙戌六月江干師潰三賓

復降時浙地盡陷祇存舟山石浦而航海之軍至長垣連取閩海

州縣且逼福州於是北兵之備浙者頗抽以備閩浙中諸山因復

結寨自固志甯與華夏王家勤及諸生楊文琦楊文瓚屠獻宸董

德欽等謀取甯紹台諸府遣使走舟山約黃斌卿又約義旅之在

四明者王翊在東山者李長祥令以兵攻甯波而已翻城應之復

為三賓所謀知發其事志甯與德欽逸去而五人皆遇害所謂五

君子也魯王至舟山遷志甯兵科都給事中時時奉使入內地聯

絡山寨諸軍以為海上策應辛卯九月舟山破自刎明史通鑑紀事本末

並作死國朝賜續妻羅氏聞訃仰藥卒子士駿士驥蹈海不返

僕文周稿素終身

華夏字吉甫一字過宜號默農浙江定海人後遷鄞貢生通樂律

少與同里王家勤同受業於倪鴻寶又同學於黃石齋又同參劉

蕺山講席杭州破與董志甯等佐錢肅樂起兵魯王監國授職方

郎中鮑琦亭集云授兵部司務進職方主事江千師潰慟哭歸戊子復謀翻城之舉

按行朝錄此舉乞師翁洲黃斌卿許之乃歸而其書爲偵者所得

降臣謝三賓證之遂被執當事詰同謀者夏慷慨獨承曰心腹腎

腸肝膽吾同謀也再拷之大呼曰太祖高皇帝造謀烈皇帝主兵

安皇帝主餉其餘甲申乙酉殉節諸忠范公景文史公可法而下

皆同謀也當事利三賓之財亦誣以同謀令夏引之夏對曰若謝

三賓者醜齷鄙夫反面易行首先送款建義之事何可引之三賓

在旁搏頰以謝夏在獄中鼓琴賦詩如平日絕命時有白光一縷

冲天而去繼妻陸氏名玉辰知例當發遣慮有汗辱乃結腕於梁

海東逸史 卷十四 一 飲雪軒校本

引頸就綏悅忽絕復取結之須臾而盡魯王監國翁洲贈簡討門

人私諡曰毅烈國朝人祀忠義祠

張夢錫字雲生鄞縣人爲諸生精武事與董志甯等佐錢肅樂起

兵授兵部司務擢御史江千師潰走結山寨曰大校軍庚寅十月

小腆紀年北兵至夢錫持長矛出鬪殺傷略相當衆寡不敵遂死

其下五百餘人皆從之無一降者當戰時有突圍而去者三人翼

日有負夢錫屍葬之大校之南麓者卽此三人也

王家勤字貞一號石雁鄞縣人小腆紀年云定海人爲諸生通經術三禮俱

有論說受業劉宗周之門與董志甯等佐錢肅樂起兵授大理寺

評事江千師潰復謀翻城之舉事洩被執移獄錢塘累訊瞠目無

一語乃殺之門人私諡忠潔著有靜遠閣集

陸宇燭字周明號贛庵鄞縣人右都御史世科子以諸生與董志

甯等佐錢肅樂起兵授監紀推官俄進按察副使仍監軍江干師潰遯歸不出歷十八年復謀舉兵應海上事洩被執死之年五十六鄉人私諡節介

毛聚奎字象來一字文垣自號吞月子鄞縣人貢生與董志甯等佐錢肅樂起兵參瓜里幕務授戶部郎中專司餉事紹興破奔走山海之間累遭名捕行遯得免六狂生之幸得終老牖下者聚奎一人而已

屠獻宸字天生鄞縣人小腆紀年云定海人兵部侍郎大山曾孫以諸生從

軍授車駕司勝朝殉節諸臣錄作兵部職方主事江上事敗角中歸里戊子與華

夏等同謀翻城之舉事洩被執死之監國還軍翁洲贈大理寺丞

國朝賜諡妻朱氏賢而有文獻宸死賦絕命詞而自經

楊文琦字瑤仲號楚石鄞縣人唐王臨軒以貢生召對授惠安訓

海東逸史 卷十四 三 飲雪軒校本

導尋加監紀推官視惠安諸軍闔亡返浙與華夏等同謀翻城之

舉事洩被執不屈死妻沈氏亦自經監國還軍翁洲贈兵科給事

國朝入祀忠義祠

楊文琮字天璧監國時以諸生從軍授職方郎中小腆紀年作主事戊子

與謀翻城之舉事洩遁去張煌言託以聯絡中土事自是每歲往

來海上不絕癸卯有降卒自海上言文琮將引海上將趙彪爲患

逮至錢塘歎曰吾固雁行中漏網也本可死矣賦絕命詞曰憑誰

瘞我孤山上魄是梅花鶴是魂遂扼吭而卒

楊文瓚字贊玉號圓石鄞縣人崇禎十二年舉人監國初官御史

力言閩浙宜合不宜分時方爭開讀禮多不以爲然文瓚乃入閩

又力言當聯絡閩浙以爲同仇不當啟爭端唐王然之乃命以掌

貴州道扼防建延三關而浙東亡仙霞告急唐王出走乃返故里

與華夏等同謀翻城之舉事洩被執大呼高皇帝不絕而死朝賜諡烈妻張氏名玉如工翰墨文瓚死以紉聯其身首一慟幾絕遂

衣其故時衣服題絕命詞一首解所佩帶自縊而絕監國還軍翁洲贈都察院右僉都御史

楊文球字天琅魯王監國授都督府都事翻城事洩二兄皆死乃

之闖就閩部劉中藻於福甯令參幕府軍事次年福甯不守死之

董德欽字若思鄞縣人小腆紀年云定海人兵部侍郎光宏之孫以諸生從

軍授監紀推官江干兵敗乃歸戊子與華夏等同謀事洩被執死之監國還軍翁洲贈兵部郎中

倪懋熹字仲晦一字煜生鄞縣人錢肅樂起兵欲貽書王之仁而

難其使懋熹請行事遂定及晝江分守以職方主事參瓜里唐唐

魯爭頒詔之禮越使陳謙入閩而死閩使陸清源入浙亦死議募

海東逸史

卷十四

四 飲雪軒校本

一能者乃以懋熹往果稱旨令以僉事分守建甯丙戌北兵來攻出戰力不支死之時八月十一日也年三十九

徐啟睿字聖思鄞縣人爲諸生負才任氣感憤時事削髮爲僧聞

錢肅樂等舉兵乃破關出投其營魯王授錦衣衛指揮不拜自稱

白衣參軍時江上諸營多首鼠觀望無一肯發兵者啟睿乃集其

麾下百人諭以大義提劍渡江直薄西岸北兵以爲游騎亦遣裨

將禦之啟睿奮劍直前掩殺過半城上乃亟出銳師長圍四合遂

被執諭之降大罵乃殺之

趙毅字金城平湖人尚氣節工武略嘗有百足蟲伏其臥處雖遠

出數十里經宿蟲必至毅心竊喜自負謂他日必能崛起布衣於

是人皆呼爲趙百足云乙酉南都被北兵至浙江魯王監國於紹

興毅慨然仗劍從之授左營游擊率軍與北兵戰於杭城外飛礮

中首首已飛去猶持劍策馬大戰北兵大駭爲少卻殺猶單騎馳逐數里馬蹶墜地乃仆

李桐字封若號侗菴鄞縣人三歲而孤事兩母盡孝爲諸生不屑數行墨甲申之變抗言於諸當事請發義旅以待勤王之舉南都亡呼天大慟遂得疾呼祝宗祈死會浙東舉義錢肅樂等強之起乃稍稍進食遣長子文景從軍授兵部主事病稍愈明年六月紹興陷哭曰吾今定死矣疾果作遂卒年四十九門人私諡貞愍先生文景與弟文昱葬父畢墨纓赴海上崎嶇軍旅文昱亦授戶部主事辛卯翁洲失守扈王出海遭風同溺死

路國挺鄞縣志路作駢字天植號寒厓諸暨人僑居鄞生有殊才江東兵

起破家輸餉授職方主事鄞縣志云以奉旒戴魯王箋得貢士爲降臣謝三賓所惡

幾殺之紹興破三賓復降國挺晦迹里居三賓復散流言以激眾

海東逸史 卷十四 五 飲雪軒校刊

怒遂被逮久之得脫貧困死

李文纘字昭武一字夢公號峇樵鄞縣人錢肅樂起兵文纘以諸生實先從之授兵部員外郎江干師潰悒鬱不自得戊子豫翻城之難被訊不爲遜詞在獄中與同事楊文瓚分賦雁字詩一月之中遂成卷帙明年再訊再被拷終不屈而華夏力任之乃放歸遨遊四方以老臨終其子問遺言命取紙筆題曰衆人皆醒非夫也矚目而卒所著有春秋經傳纂注鹿溪新語賜隱樓古文並散佚杜懋俊字英侯鄞縣人小腆紀年云定海人世居縣東之管江爲諸生以仗義聞浙東不守日夕痛哭與其叔兆荀及施邦炳聚眾三千刻期舉事謀洩邏者至懋俊梟其首據山立寨鳴鼓起事與北兵轉戰三日及寨破懋俊猶以家丁力戰頭目中矢如蝟倚牆而斃尸屹立不仆者數日

杜兆菡字承芝爲諸生嘗以兵法部勒族人分隊瞭野擊柝行夜
聞黨賴以安堵沿海諸村亦多傲而行之寨破被執大罵不屈斫
其首十二刀而後墜

施邦焄

雪交亭集作玠黠琦亭集作宗焄四明談助云一作宗玠

字仲茂

雪交亭集作仲吳

鄞縣人諸

生故都督僉事翰子其先世亦居管江因以家財佐杜氏募死士
事敗拔先世所遺佩刀自刎曰吾不負此刀也鮎琦亭集云事時敗縱火自焚

稱管江三烈士

魏耕原名璧字楚白甲申後改名字白衣又名甦號雪竇山人慈

谿人以贅婿僑居歸安遂充歸安學博士弟子國亡棄去所交皆
當世豪俠若上起兵亦與焉專敗亡命江湖妻子滿獄弗恤也久
之事解乃閉戶爲詩酷嗜李供奉己亥鄭成功兵入長江幾下金
陵江南半壁震動知其謀出於耕刊章名捕亡命潛行癸卯又以

海東逸史

卷十四

六

飲雪軒校本

海上降卒至語連耕遁入山陰蹤跡得之至錢塘抗詞不屈死於
菜市山陰人李達楊遷經營其喪甚力亦以是遣戍先是歸安諸
生錢纘曾與耕善耕被執纘曾以兼金賄吏得解孔孟文者險人
也從成功軍來有所求於纘曾不饜弁怨耕以其蠟書首之故纘
曾亦被殺番禺屈大均不可一世獨心折耕詩嘗有詩云平生梁
雪竇是我最知音一自斯人死三年不鼓琴

汪涵字叔度號晦溪奉化人諸生從學黃宗羲遂參其軍事浙東
失守監國由江門入海涵隨宗義走四明山中宗義偶出邏卒至
焚寨夜半火起同里出鬪從烈焰中殺數人已得出歎曰所圖不
遂命也不死且自取辱還鬪而死

張廷綬字雲衢鄞縣人少喜讀兵法善挽強弓舞大刀補武學生
錢肅樂起兵以驍勇署總統陳函耀鄞縣志作函輝此疑譌起兵台州而以

會推留中調度乃以其兵屬之廷綬奏授都督僉事統所部還鎮
台之海門已而閩中大將李唐禧至監國以其宿將使其治軍於
台唐禧故金山衛官起兵不克入閩由閩入浙廷綬讓之凡署衛
列座必使居己上而唐禧自以客將每事皆咨廷綬而行 大兵
入台唐禧謂廷綬曰公當俟陳公消息然兵已逼不如借我早死
徒殺士卒無爲也廷綬曰諾各遣其麾下袍笏兀坐營門 大兵
過其營諭降不屈殺之唐禧亦被殺而廷綬眷屬之從軍者皆死
無一存

章有功會稽農夫也浙東建義應募從軍驍銳敢戰以指揮爲前
鋒華夏等翻城謀洩 大兵急攻東山有功所將五百人皆具兼
人勇每戰必勝 大兵以全力壓之不支被擒拉脅決齒垂樊猶
大罵而死

海東逸史

卷十四

七
飲雪軒校本

章欽臣督師孫嘉績部將也以都督司別營火攻事江上破欽臣
散軍亡命其後以應山寨諸軍事敗被執死之妻金氏沒入旗下
將發遣大罵不屈竟磔之行刑者見氏有姿不無褻語氏罵愈甚
刑畢而其人暴死氏遂時時降神東越居民尸祝之

戴爾惠字少峯鄞縣布衣錢肅樂倡義時大會城隍廟爾惠舉手
一麾三四千人皆從之相與擁肅樂赴巡按署遂舉事以戰功封
義武將軍江干失守遁歸其後山寨大起復出而預之遂一門殉
焉

楊家駱繩孫

參校

王善長子祥

翁洲老民手稿

慈谿楊泰亨理庵校刊

忠義二

傅巖字野倩義烏人崇禎七年進士授歙縣知縣被讒去官魯王監國擢江西道御史為朱大典監軍北兵破金華與二子齡發齡熙並死之小腆紀年云巖還至義烏死國朝賜諡節愍子附入祠初巖之遇禍刃將及齡熙

年甫十四以身翼蔽其父刃著於頤而死齡發趨救矢洞右腋移時復覓見父弟已死遂以手抉其創而卒長子齡文從外至得不死乃奉其母歸杭州藜藿不充蓬頭垢面者又十餘年而終

王之拭勝朝殉節諸臣錄作拭字瞻御南直武進人甲申殉難忠臣章子南

都不守東走至鄞截江之役監國令以墨綬任車駕主事知鄞縣事其制詞曰以汝父之遺愛望厥子之世忠之拭泣而受命蓋草

海東逸史 卷十五

一 飲雪軒校本

初亦為鄞縣令也已見江上事不可為辭去入閩唐王令仍管駕部事而閩事亦壞復返鄞閩部朱大典守金華招之之拭乃為之練兵於義烏兵敗入山中謀再舉被執勝朝殉節諸臣錄云至永感被執不屈死

之國朝賜諡忠節

林汝翁字大歲號心泓福清人萬曆末舉於鄉授沛縣知縣天啟二年以擊白蓮賊徐鴻儒緝妖人王普光等功擢御史巡視京城忤逆閹魏忠賢廷杖削籍崇禎末起廣東瓊州道坐奸民煽亂貶秩歸福王時起雲南僉事小腆紀年云起臨沉道已而解職魯王次長垣召為兵部右侍郎總督義師與員外郎林奎攻取福甯兵敗被執諭降不從繫之除夕吞金屑死國朝賜諡忠節

林塗字子野號恥齋汝翁同邑人勝朝殉節諸臣錄云侯官人崇禎十六年進

士授海甯知縣南都亡杭州亦不守營卒乘機乞餉環署大噪塗

罪爲首者而如其請以城孤不能存引去唐王時黃道周小腆紀年云字

幼平漳浦人門下士稱石齋先生天啟壬戌進士歷官至兵吏二部尚書武英殿大學士乙酉十二月婺源敗績被執明年三月至

忠烈國朝改謚忠端督師請與偕行以戶部員外郎司餉改

監察御史往諭浙西行至贛州以典銓缺人召還復改文選員外

郎主銓政殉節諸臣錄云一盜曰此潤色太平之事非今日之所

急也乃辭去募兵數千人爲鄒芝龍所阻聞王被殺號痛而返散

兵入山制棺一具布衣一襲書大明孤臣之柩以待死及魯王航

海至長垣郡邑響應福清鄉兵請塗爲主塗別其父曰兒當死久

矣奉命守海甯失城池當死扈蹕不終當死豈可再使延命漏刻

以不令之名貽羞父母乎遂負戈雜徒旅中與汝翥攻取福

甯身被數創猶勒兵力戰爲流矢中喉而死國朝賜友人葉子

器者初在營中爲北兵所獲使之作書招空子器書所作絕命詞

海東逸史

卷十五

二 飲雪軒校本

授之亦被殺南疆釋史云二林皆福州人因攻取福清死

俞元良字仲驥南疆釋史云字綏毅海甯人崇禎癸未進士魯王監國熊汝

霖以數百人襲海甯士民迎之者萬人汝霖欲擇一人主兵而紳

士持論皆首鼠汝霖敷陳大義元良慨然曰此豈公一人之事某

焉敢獨後遂以監軍兼攝海甯縣事及北兵破城與兄元禮同殉

節死國朝賜元良謚節愍兄附入祠

周宗彝字五重海甯人崇禎十二年舉人少受業於吳太冲章正

宸爲人有膽決尙氣節嘉興之城守也宗彝亦集里中少年應之

魯王授職方員外郎大學士熊汝霖令守硤石鎮兵潰赴海死國

朝入祀忠義祠弟啟琦附妻卜氏與二妾名朱衣紫衣者並自縊弟啟琦巷戰

力竭亦被殺

湯芬字方侯嘉善人勝朝殉節諸臣錄云一作海鹽人崇禎十六年進士福王時

爲史可法監紀推官唐王以爲御史尋以福建參政小腆紀年云
曾監國擢是

職分守福興泉三府興化城破緋衣坐堂上被殺諡烈愍
國朝賜

林喟字小眉莆田人由進士爲吳江知縣蘇州失歸事唐王官御
史小腆紀年云復事魯王爲吏科給事中勝朝殉節諸臣錄云一
授給事中佐禮部精膳司員外郎

興化破自縊死諡節愍
國朝賜

都廷諫杭州人官莆田知縣城破死之勝朝殉節諸臣錄云興化
破死之
國朝賜諡節愍

洪有文官澄海勝朝殉節諸臣錄南疆釋史並作知縣城破死之
海澄小腆紀年作漳浦監國紀同

國朝賜
諡節愍

鄔正畿字王都南疆釋史永福人官兵科給事中鄭彩專政棄官
云字鴻原

歸里居城破賦絕命詞投水死諡節愍
國朝賜

林逢經字守一永福人以御史里居城破投水死諡節愍
國朝賜

王恩及長樂人官御史遷太常按小腆紀年止稱里居城破服毒
御史未遷是職

海東逸史 卷十五 三 飲雪軒校本

死妻李氏亦死焉諡忠襄國朝改
諡節愍

王祈太倉人建甯守將封郎國公建甯破巷戰不勝自焚死國朝賜
諡烈

諡烈

沈履祥字其旋號復庵慈谿人大學士宸荃從兄也登崇禎十年

丁丑進士知侯官甌甯二縣有循績福王時上治安策又上責成

疏頗見採納魯藩監國以御史督餉台州城破遯之山中北兵搜

山得之被殺於野其弟毅祥往求其屍得其首於桑園得其身於

亂屨中以服帶可據也乃紉合而葬之國朝賜
諡節愍

陳世亨官中書舍人爲鄧藩審理以一旅復安固援兵不繼被執

大罵而死

楊家駮繩孫 參校

王善長子祥

海東逸史卷十六

翁洲老民手稿

慈谿楊泰亨理庵校刊

忠義三

高岱字魯瞻號白浦會稽人崇禎中以武學生舉順天鄉試被黜久之辨復魯王監國授職方主事及紹興失守慨然曰上恩厚矣國家文武異途重文輕武估嗶小生持議廟堂而戮力疆場者指為羸人以致寇盜充斥不能抗禦神州陸沈職是故也我本武學得授文職偏側搶攘無益毫髮尙不能以一死報國乎劉戢山吾鄉先生也吾當師之即絕粒而死其子諸生朗坐守之閱八日知父意不可回泣拜父前曰兒請先之乃攜巾服泛小舟給舟子出海禱神去岸遠北面再拜躍入海中舟子急挽之鬻舟子臂始得下舟子又入水救之掉其中朗躍出水面正中而沒岱聞之曰兒海東逸史

卷十六

一 飲雪軒校本

果能先我乎自是不復言又閱數日而卒

國朝賜諡節愍子附入祠

葉如菴字衡生會稽人崇禎三年舉人魯王監國與同里高岱同授兵部主事每會食相與抵掌言忠孝事紹興破與妻王氏出居桐塢墓所岱送之曰君殆隱於是乎如菴曰非也我無城守責死於墓耳遂與王氏並赴水死

國朝賜諡節愍

王以被救免次日復死之

徐復儀字漢官號雪潭錢塘人

小無紀年

崇禎癸未進士福王立授刑部員外郎明年主試雲南行數日而南都陷歸事魯王加翰

林院編修辭曰侍從文墨所以潤色太平也今戎馬日逼臣不得馳驅疆場為陛下負弩矢猥賜臣清燕死無以塞責不報未幾浙

東破歸家拜父母別妻子泣奔蹲山投空谷中虎豹觸之不為怪

一日大風雨晝晦傳聞兵四合乃曰吾命盡矣遂扼喉死

紀年云投崖死

勝朝殉節諸臣錄云拒抗死

待旦而父始至持其首而泣目尙張父曰兒得死

所矣乃瞑

國朝賜諡節愍

唐自綵字西望四川達州籍江甯人崇禎末以貢生官臨安知縣有循聲杭州失守自綵與姪偕豫逃山中有言其受魯王敕陰部署爲變者遂被捕獲北帥諭之曰我知汝賢吏故不加兵行且薦於朝矣自綵曰士各有志安用相強北帥曰獨不念少妾幼子乎自綵曰大丈夫豈以子女易大節卒與姪偕死

國朝賜諡忠節

其妾大呼願從死亦殺之偕豫字敬子

南疆釋史偕作階子作之

亦貢生唐王贈自綵太常寺少卿偕豫太常寺博士

王玉藻字質夫號螺山南直江都人司勳郎納諫子崇禎癸未進士授慈谿知縣有異政甲申國變哀號求死家人勸之乃止南都繼陷與沈宸荃共起兵進御史尋以兵科都給事中往軍前而江上諸帥惡其任事邁往壯氣勃然皆不予餉乃力請還朝在垣中海東逸史

卷十六

二 飲雪軒校本

持正又不爲諸臣所喜乃力求罷不許及紹興失守王走海島王藻仰天大慟躍入池中復爲家人所救得免遂隱居不出終身不鬚髮不改故衣冠一夕忽作絕命詞曰半生辛苦泣孤臣賸得乾乾淨淨身四大既崩神失散這篇草稿付誰人擲筆而逝

小腆紀年云辛卯後歸故鄉以餓死

年六十六玉藻爲令時首拔童子姚亦方國亡後亦棄

衣巾來依玉藻往往無人時師弟相對悲嘆久之成癩疾每一動念疾輒作則踴躍踴踴繞屋而泣竟以癩死

周元懋字柱礎一字德林鄞縣人文穆公應賓從子以文穆蔭官南京右軍都事工部屯田郎中

原作屯部郎中以意改

知貴州思南府丁艱

未赴而京師陷江東建國錢肅樂等招之固辭不出而破家輸餉不吝丙戌六月江上失守慟哭自沈於水以救得甦乃披鬚爲僧日夕縱酒嘔血而卒

周元初字自一號立之文穆公應賓從子文穆無子撫以爲子少負大略所交皆忠義士江東建國啓家財以輸餉錢肅樂以文穆遺恩奏授郎署不受遂以白哈從軍紹興破行遯深山以死

倪懋楷鮪琦亭集字端卿與懋熹同族同起江上授大理寺評事

事去歸家以不鬚髮被執論死下獄其母遣人攜酒入獄飲之醉熟睡盡去其髮醒而禿矣痛哭欲自殺旁人以母命止之得免

朱養時江陰人官兵部郎中兼禮科給事中舟山破抗節死國朝賜愍

董廣生原闕人官御史舟山破自焚死

楊鼎臣字思任鄞縣人官吏部文選司主事舟山破先驅妻子入

井乃從之

林瑛勝朝殉節諸臣錄云一作之瑛字玉之南疆釋史作玉英福建人官吏部主事同母

海東逸史卷十六三飲雪軒校本

妻女及婿五人航海入浙墮隨鄭彩去瑛至健跳所母死貧甚妻

陳氏及女爲人紉衣給食已而女死及舟山破瑛與陳氏並自縊

國朝賜愍

江用楫蘇州人官戶部主事舟山破殉節死國朝賜愍妻原闕氏

亦自盡

董玄會稽人官禮部祠祭司主事舟山破自縊於學宮國朝賜愍

張家璧原闕人官禮部儀制司主事舟山破自投城下未死被執

勸之降不從乃殺之

朱萬年福建人官兵部主事勝朝殉節諸臣錄云職方員外郎舟山破死之國朝賜愍

顧珍長洲人官兵部主事舟山破死之國朝賜愍

李開國臨水衛人南疆釋史作臨山衛人官職方主事舟山破死之國朝賜愍

愍母原闕氏亦自縊

顧宗堯長洲人勝朝殉節諸臣錄一云甯波人官工部主事舟山破同母死之國

朝賜諡節愍

顧玢江中汜陳所學顧行翁健小腆紀年云顧玢陳所學山陰人南疆釋史撫

遺云陳所學字顧行無江中汜翁健名並中書舍人舟山破皆死之

戴仲明鄞縣人官工部營繕所所正舟山破殉節死國朝賜諡節愍

章有期原闕人官太醫院院副舟山破自焚死

劉世勳字盾之南直上元人崇禎末以武進士歷官都督僉事助

防翁洲黃斌卿不能用監國駐師進安洋將軍辛卯八月大兵

分道下舟山張名振奉王出海而世勳城守世勳料簡城中步卒

尚有五千麾下死士五百居民助之乘城而守大兵屢攻屢卻

乃益兵攻之城陷世勳朝服北面望海拜謝自刎而死國朝賜諡烈愍

海東逸史卷十六四飲雪軒校本

王朝相大興人官錦衣指揮舟山破護元妃陳氏貴嬪張氏義陽

王妃杜氏入井用巨石覆之即自刎其旁國朝賜諡烈愍

劉朝原闕人內官監太監舟山破視宮眷入井畢即自刎其旁

楊家駮繩孫

王善長子祥

參校

海東逸史卷十七

翁洲老民手稿

慈谿楊泰亨理庵校刊

忠義四

張璉字子隆號四岑鄞縣布衣性坦率敦倫紀國變後日咄咄會鬚髮令下閉戶坐室中取酒獨酌摩其頂而歎曰彼曲局者惡可以兵之乎乃往竈下得炭滿囊和以木屑置牀下爇之投身其上覆以重衾時方盛暑俄頃酒力墳盈而絕昇屍出已紺色矣丙戌六月二十日也

倪文徵字舜平山陰人以布衣爲蒙師兼通醫術紹興破市酒肴飲里中少年求辦一事有諾之者偕至墓所命掘坎自瘞眾駭欲散文徵恚甚曰此何事可誤我乎或尼之曰死義也今某某等皆不死汝一醫生何自苦文徵曰人各行其志惟諸公玉予於成也

海東逸史

卷十七

一 欲雪軒校本

一人曰豈可使土親膚乎以二甌贈之埋於坎中文徵跌坐其內命覆之封其隙眾環坐竊聽微聞其聲逾三時而寂國朝入祀忠義祠

朱瑋小腆紀年作煒字鴻儒山陰人諸生南疆釋史稱布衣北兵至浙避家梅里

尖江上師潰人皆竄伏瑋痛哭不已曰此日而生全歸之謂何乃書絕命詞二語於几上潛往礁石躍水死家人徧覓不得見遺語

始知其赴難也年甫二十四國朝入祀忠義祠

鄒欽光瑞安人諸生明季南略光作堯字維則永嘉人郡庠生紹興破溺死國朝入祀忠義祠

鄒之琦永嘉人諸生紹興破投水死國朝入祀忠義祠

張君正浦江人諸生郡城破自縊於明倫堂國朝入祀忠義祠

傳日炯字中貢諸暨人爲諸生與其族父平公同受業劉宗周之門江干師潰兩人相謂曰吾輩義固當死然俱有老母在亦惟白於老母許死則死耳平公白於母不許日炯白於母許之遂赴澗

池死平公乃養日炯母終身入祀忠義祠

國朝賜日炯祀忠義祠

趙景麟鄞縣人諸生

明史作布衣

寓居紹興江上師潰整中服懷所作

文走謁文廟拜先聖畢赴泮池死

鄞縣志趙景麟字天生蓋一人無赴泮池事小腆紀年云投泮

池不死後絕食死

趙天生鄞縣人爲諸生有節概丙戌六月江上失守題詩案上曰

書生不律難驅敵何處秦庭可借兵只有東津橋下水西流直接

汨羅清竟往城東躍入江水漁人救之昇還不食不語乃強輿入

太白山欲令食不可則爲謬語以慰之或曰李侍郎長祥克紹興

矣或曰翁洲大將黃斌卿將奉監國來恢復矣或曰石浦大將張

名振奇捷矣或曰四明山寨下慈谿矣天生聞之卽進食如是者

半年謬語漸窮而天生病亦稍愈聞出山中問樵子輩以近事則

循髮示之曰天下大定更何問焉天生大慟踣地更不復食竟餓

海東逸史

卷十七

二 飲雪軒校本

死鄉人私謚節愍先生

國朝入祀忠義祠

周西字方人定海衛人丙戌六月紹興破年僅二十六也歎曰楊

鐵崖稱老寡婦今其時矣遂棄舉業訓蒙養母所著詩古文曰痛

定集嘗與友人書曰今日所斷不可當者妄欲以義士自欺也夫

何地非我朝之土何人非我朝之民又何倉庾非我朝之粟不必

爲首陽頑民以自表異也所謂義士者當爲蹈海之魯連爭帝暴

秦奮臂之陳涉特起發難張良之報讎翟義之討賊駱賓王之草

檄謝枋得之卻聘而死否則如陳咸之閉戶不出梅福之逃吳門

爲市卒陶潛之終身爲晉處士此雖不得志於今亦當知重於後

而我皆未能也其敢侈談義士乎此書蓋其自道云

張成義字能信慈谿人有異材爲諸生受業劉宗周之門江千師

潰起兵不克行遜不返莫知所終

趙甸字禹功會稽人少極貧學需以養親藝絕工時稱爲趙孝子
長游劉宗周之門得其學丙戌後有高節隱於緇時賣畫以自給
世所稱壁原闕二字士畫者也晚講學稱山即宗周少時讀書地

葉尙高字而立樂清人温州府學生亂後佯狂幅巾大袖行於市
太守見而執之賦詩云北風袖大惹寒涼惱殺温州刺史腸何似
蜚螭易生死得全楚楚好衣裳太守釋之不問丁亥二月上丁攜
水一杯采芹一束乘太守未釋奠哭於孔子之庭曰吾師乎吾師
乎縱秦山之已頽曾林放之不如乎太守至怒繫之獄迨五月四
日語獄卒曰詰朝屈大夫沈湘之日吾其死夫俾具湯沐至明自
經明季南略云字而栗永嘉縣學生獄中和正氣歌有未
吞備酒心先醉不浴蘭湯骨已香之句飲藥痛罵死

朱錫齡字元序上海人諸生己酉松江破借華亭蕭賓侯渡海而
南寓舟山僧寺舟山破死之

海東逸史

卷十七

三 飲雪軒校本

婁文煥字長明象山諸生監國紀舟山破痛哭具衣冠別親族
作貞生

拱坐海邊沙上潮至隨水湧去越數日其屍復隨潮至顏色如生
遠近驚以爲神張名振在石浦聞之來臨哭焉國朝入
祀忠義祠

林世英福建人諸生舟山破殉節死國朝入
祀忠義祠

陳瑞芝定海人諸生北兵圍舟山其母李氏髮也密紉衣上下連
爲一曰吾苦節十餘年不可使人見吾體及城陷卽躍入井中死
瑞芝倉皇自外至聞母死亦自縊享年三十六瑞芝甫十七也

周容字茂三號鄞山鄞縣人爲諸生受知黃宗羲能詩善書畫滄
桑之際嘗渡蛟門脫友人之厄幾死不悔足跡徧天下所至皆有
詩康熙己未歲有欲以博學鴻詞薦者歎曰吾雖周容實商容也

遂止所著有春酒堂集

朱金芝字漢生

甫上續者舊傳
云一字曉庵

鄞縣人少從黃道周游得其易學

甲申之變方在北都削髮南歸自號忍辱道人流滯白門又遭兵禍遂往來英霍諸山寨及太湖軍中幾死者數矣既知海上之局始返里門亦牽連被捕亡命深山久之喟然襍被長往或云直抵辰沅客中湘王幕中湘殉節按小腆紀年何騰蛟湘潭殉節贈中湘王諡忠烈不知所終或云曾入滇中崎嶇扈從卒死王事或云投鄖陽山中爲道士不可得而詳也所著詩集二十餘種皆散佚不傳

紀五昌字衷文鄞縣人性倜儻不欲以經生自位置所與游多奇才劒客受業錢肅樂之門肅樂航海死於閩家人不知五昌所在月餘而返乃知爲吳肅樂入閩也卜居太白山中足跡不入城市自言年六十二當終已而果然

趙自新字我完太倉人四歲失足墮井家人引縋出之無怖色年十一從父觀射飛矢中股醫者治之出鏃色不變喪母家貧身執

海東逸史

卷十七

四 飲雪軒校本

厮養役而勤學弗輟崇禎十二年舉於鄉父老思就祿養十六年需次京邸忽心痛遂歸父果病劇乙酉詣州守請給僧牒微服出行祝髮於松江之會龍庵旋隱嘉定之封家村既而有謝姓者告以應舟山之招自新謝之及事洩逮者至門自新與弟方奔徐斂手就縛曰吾久辦此矣械至松江絕食數日不死復械至江甯時主讞者爲洪承疇自新昂身前對曰身爲故國遺民豈嘗須臾忘死哉顧有志無其事徒負虛名竊用爲媿復鞠謝姓者卒無實得釋歸旬日卒年五十三臨終謂其子曰吾生無益於世歿後題墓石曰明鄉進士憤道僧趙某願足矣著作甚多陳瑚陸世儀皆其弟子

楊家駮繩孫

王善長子祥

參校

海東逸史卷十八

翁洲老民手稿

慈谿楊泰亨理庵校刊

遺民

于頴字穎長號九瀛金壇人崇禎四年進士由工部員外郎歷知順德西安二府罷歸福王立起知紹興府分巡甯紹台道南都亡北兵至杭穎密募兵舉義北帥使人以榜至穎執之禁其榜鳴鼓會衆誓於都亭以五百人夜赴固陵北兵在西岸未之知也乃衝潮徑渡盡驅西岸之船而東至中流北兵始知之無所得船穎軍上東岸大噪遂畫江而守一軍扼潭頭一軍扼橋司一軍扼海門一軍扼七條沙北兵拽內河船百餘江干又紮木排填土擬東渡穎復遣死士沈其舟會西北風起木排飄向東岸各營得句致以爲用穎謂諸將曰杭已有重兵攻之不易莫若於下流由橋司入海東逸史

卷十八

一 飲雪軒校本

海甯出海鹽以通震澤上流由潭頭入富陽通餘杭以扼獨松關昨聞海甯兵已起而富陽尙爲北人所據不可坐視乃遣人夜襲之遂通餘杭之道於是方國安得駐七條沙江干立國北兵所以不能遽渡者以穎之取富陽也魯王至越擢按察使行巡撫事尋進右僉都御史督師當是時正兵義兵爭地爭餉内外交訖穎以守土臣悉力支拄而方王諸將終惡之三疏乞休不許丙戌六月北兵至列戌皆潰王航海去穎扈從不及乃由海道還京口黃冠以終

林時對字殿颺號爾庵鄞縣人崇禎十三年進士年未冠也投行

人性恬淡嘗曰士人若愛一錢卽不值一錢丁艱歸福王立起吏

科都給事中甬上續耆舊傳云福王監國召爲御史鄞縣志据莊元辰奏疏亦從御史爲阮大鍼所惡

罷歸魯王監國遷太常寺卿佐孫嘉績募事力主渡江熊汝霖之

下海甯時對實贊之擢都察院右僉都御史逾年而紹興陷遂歸
又十八年而卒所著藹庵逸史皆紀國難事

李長祥字研齋四川達州人。生而神采英毅喜談兵。是時獻賊縱橫蜀中。長祥練鄉勇。躬授甲胄。以助城守。賊中皆知其名。崇禎癸未。成進士。授庶吉士。同里薛國觀方爲首輔。欲引爲私人。拒之。京師陷。南奔。改監察御史。巡浙鹽。而南都又覆。乃起兵浙東。魯王加右僉都御史。督師西行。而七條沙之兵。又潰。王浮海。長祥以餘衆結寨上虞之東山。時浙東諸寨林立。顧無所得餉。四出募輸。居民苦之。獨長祥與張煌言。王翊。且屯且耕。井邑不擾。戊子。監軍華夏爲長祥聯絡。布置。請引翁洲之兵合諸寨。以下西陵。議奉長祥爲盟主。刻期將集。而降臣謝三賓告之。大兵急攻東山。長祥匿勾人舟中。遁至奉化。依王朝先朝先亦蜀人。得其資助。由健跳所入。

海東逸史

卷十八

二 飲雪軒校本

舟山加兵。部左侍郎兼官如故。辛卯。舟山破。亡命江淮間。大兵得之。京口安置。江甯羈守之。長祥忽妄一妾。朝夕甚昵。守者謂長祥有所戀矣。稍懈。而長祥竟遁去。由吳門渡秦郵。走河北。徧歷宣府。大同。復南下百粵。與屈大均處者久之。天下大定。始居毘陵。築讀易臺。以老焉。著有天問閣

原闕 四卷

黃宗羲字太沖。號梨洲。餘姚人。忠端公尊素子。爲諸生。受業劉宗周。學行醇備。家禍國難。備嘗艱苦。北兵入浙。孫嘉績。熊汝霖等以一旅之師。畫江而守。宗羲亦合子弟數百人。隨諸軍於江上。人呼之曰世忠營。授職方主事。改御史。總兵陳楮自嘉興之乍浦浮海至餘姚。大掠職方主事王正中。署縣事。集民兵擊殺之。亂兵大噪。有欲罷正中。以安諸營者。宗羲曰。借喪亂以濟其私。致干眾怒。是賊也。正中守土。卽當爲國保民。何罪之有。尋以宗羲所作監國魯

元年大統歷頌之浙東馬士英在方國安營欲入朝朝臣皆言其當殺熊汝霖曰此非殺士英時也宗義曰諸臣力不能殺耳春秋之孔子豈能加於陳恆但不得謂其不當殺也汝霖謝焉又謂諸將曰諸公何不乘機決戰由赭山直趨浙西而日於江上放船鳴鼓攻其有備蓋意在自守也然叢爾三府以供十萬之衆一年之後恐不能支聞者皆是之而不能用張國柱之浮海至也諸營大震廷議欲以伯爵餌之宗義曰若是則獎亂也何以待後乃署爲勝虜將軍始去與太僕陳潛夫尙寶朱大定主事吳乃武查繼佐及正中等謀會師由海甯以取海鹽因入太湖以招吳中豪傑而江上師潰乃入四明山結寨自固己丑聞王在海上乃與都御史方端士赴之擢右僉都御史進左副都時方發使拜山寨諸營官爵宗義言諸營之強莫如王翊其乃心王室亦莫如翊諸營文臣海東逸史

卷十八

三 飲雪軒校本

輒自稱都御史侍郎武臣自稱都督其不自張大亦莫如翊宜優其爵使之總臨諸營以捍海上遂拜翊右僉都御史而是時諸帥之悍甚於方王宗義旣失兵且與尙書吳鍾巒坐船中講學而已是冬命澄波將軍阮美使日本以兵部右侍郎馮京第及宗義監其軍以行至長崎島不得要領而還久之以母老乞歸黃宗炎字晦木一字立谿人稱鷓鴣先生餘姚人忠端公次子崇禎中貢生畫江之役兄弟步迎監國事敗入四明參馮侍郎京第軍事馮軍敗隱於白雲莊亂定游石門海昌開賣畫自給畫宗小李將軍趙千里工繆篆又善製硯所著有周易象詞尋門餘論易圖辨惑諸書

陳希友字孝兼長樂人舉人官兵科給事中鄭彩殺熊汝霖特疏參之不納知不爲彩所容乃繳印披髮去

熊曰繪字遯木黃州人督師文燦子官兵科給事中與同僚陳希友同劾鄭彩草疏送督臣錢肅樂肅樂浩歎勸其火之曰繪大慟竟自去嘗有詩云一身如洗惟存髮兩手無成贖有心

任廷貴籍貫未詳官太常卿舟山破從王航海至廈門尋至金門壬辰九月奉命北上至北菱洋舟覆得救遂鬻髮爲僧有詩云還將不二證西歸未遂黃冠卽衲衣力任四十餘年事癡擔六十七年非翩翩野鶴隨雲適點點寒梅鬪雪霏動破瞿然成正覺澄潭明月自相依蓋亦志節士也

沈崇瑜字宇昆慈谿人大學士宸荃族弟崇禎十六年進士授金壇知縣其父手書忠君愛國勿玷清白家聲十字付之魯王監國擢兵部主事紹興破棄官耕於野順治庚寅黃陂王爾祿爲巡海道以同年生屏車騎至海濱訪之崇瑜稱病不起爾祿徘徊門外海東逸史

卷十八

四 飲雪軒校本

久之乃長歎而去

周齊曾字思沂鄞縣人崇禎十六年進士授廣東順德知縣邑故多盜齊曾捕得其魁置之辟向之爲逋逃主者乃中以飛語遂罷歸魯王監國起給事中紹興破痛哭入山結茅爲庵託於禪以自晦更號囊雲裏足不入城市順治庚寅王爾祿爲巡海道以同年誼屢致書冀其一見終不至所著詩文清高曠逸絕去烟火後鄉人欽其高風私謚曰貞靖先生

高字泰字元發又字虞尊號蘖庵鄞縣人父斗樞官陝西巡撫鄞縣志云以斗樞爲漢中巡撫未到任字泰少負才名乙酉六月從錢肅樂等起兵監

國手論嬖之謂不媿江東喬木授兵部武選員外郎尋以奉使過里門而江上陷時斗樞尙在陝鄞縣志云六月之役斗樞尙在鄞而陝已內附乃

開道來歸父子並豫海上事丙戌冬蠟書自海至謀者得之四字据鮑

騎亭集補遂首被捕戊子夏華王事洩再被囚繫辛卯幾復株累謹而得免壬寅之逮尤爲震撼雖幸得保而家已破矣所著有雪交亭集雪交亭者張肯堂翁洲所寓也字泰愛之故取以名其集

盧若騰字閑之號牧舟福建同安人崇禎庚辰進士召對稱旨卽授甯紹台道僉事剔奸弊抑勢豪風裁凜然與甯波知府陸自嶽平奉化姦民胡乘龍之亂閩井晏然京師旣陷南都命以都御史撫鳳陽未行而南都又亡閩中拜兵部尙書撫軍永嘉甫至而事勢已瓦解徘徊鎮下關浮海至翁洲閒行入大蘭諸山寨父老壺漿上謁若騰垂涕而遣之及海上之局一時同袍澤者並極莫逆諸人淪喪殆盡獨與張煌言同事最久竟依鄭氏以終

沈文光鄞縣志作光文字文開號斯庵鄞縣人以明經貢太學豫於畫江

之役授太常博士浮海至長垣再豫琅江諸軍事擢工部郎中閩海東逸史

卷十八

五 飲雪軒校本

師潰而北扈從不及聞粵中方舉事乃走肇慶遷太僕寺少卿由潮陽航海抵金門當事以書幣招之文光焚書返幣及鄭成功克臺灣遂依之以終所著詩文甚多皆賦臺灣風景

朱憲宗一作顯宗字闇生崑山人以歲貢授丹陽訓導丁內艱歸

福王時起補衢州府西安訓導南都陷逃兵敗將所至蹂躪而衢當其衝魯王命西安令守衢而以憲宗攝縣事撫輯兵民勞績甚著明年授監軍理刑專司餉事轉餉開化北兵至被執諭之降不從殺五弁相脅終不動械致金陵意必死矣有故交以百口保之者放還開化時衢猶未下守將知憲宗不屈而還請其事憲宗謝以病衢兵復開化強之安撫甫三日而衢破遂歸久之卒於家

徐桐字古木嘉興人有膂力善射挽兩石弓百發百中工擊劍能飛斬人頭百步外通詩古文詞人目爲文武才紹興建國當事薦

爲游擊將軍率軍守嘉禾城破遂入太湖後髻染爲僧號木頭陀以岐黃術終其身

馮元颺字沛祖慈谿人天津巡撫元颺兵部尚書元颺弟以五經中崇禎十六年進士死於海外年三十二

董守諭字次公浙江通志父世登性至孝工詩爲諸生有名甬上耆守舊傳

論秉資耿介不俯同流俗浙志少受業於黃道周講學大滌山中全

望學蘭集題詞讀書討古窮極幽遠浙志倪元潞見其文大稱賞之題天啟

四年舉於鄉與翁鴻業姜思睿齊名所謂浙東三俊也南疆釋史七試

南宮不第而學日進名日盛東江初建尙書李白春薦守諭授戶

部貴州司主事續者舊傳時分饗分地之議起分饗者以孫嘉績熊汝

霖之師謂之義兵食義饗以方國安王之仁之師謂之正兵食正

饗正饗田賦所出義饗勸分無名之征也分地者某正兵支某邑

海東逸史

卷十八

六 飲雪軒校本

正饗某義兵支某邑義饗也魯王令會議方王司饗者皆至殿陛

譁然魯紀年守諭厲聲進曰公等今日所爲何事而不爲咫尺天威

地乎乃面奏分饗分地非也當以一切正供悉歸戶部覈兵而後

酌給之所謂義饗者雖有其名不可爲纜是散遣義兵之別名王

以爲然黃宗羲撰墓志方王諸將不可戶部主事邵之詹乃調停之卒從

原議守諭歎曰江上從此潰矣續者舊傳無何王之仁請稅漁舟守諭

謂其客曰今日所恃者人心耳料謹案續者舊傳作科及漁舟其細已甚民

弗堪也之仁又請塞鄞之萬金湖爲田又請行稅人法又請官賣

大戶祀田三疏既上兵士抽刃守諭門以待覆守諭疏言湖不可

塞祀田不可官賣稅人必至激變之仁大怒謂行朝大臣尙不敢

裁量幕府何物豎儒乃爾事事中格乎上言得孟軻百不如得商

鞅一得談仁講義之徒百不如得雞鳴狗盜之雄一遂折簡召守

論王雖惜守諭不能爲力陰使避之守諭慷慨對曰命吏生死聽於主上非之仁所能專臣歸死上前之仁能以臣血濺丹墀則可舉朝忿忿皆言若之仁殺饒司直反耳何名義師之仁亦迫於大義而止丙戌三月十九日思宗大祥廷議寂然墓志守諭乃上疏曰臣聞忠孝節義由於朝廷之激厲濡忍偷安由於志氣之卑昏故舉一事而能令臣民上下有悲憤振肅之狀動一念而能令天地祖宗有式靈感格之忱萃渙合離全藉此道設人主於終天大恨置之若遺履之若忘則士氣不作士氣不作則兵氣不揚無論無以恢復亦無以立國也臣痛憶先帝焦勞十七載無一日不思治求賢無一日不籌兵辦寇奈庸臣誤國頓遭千古未有之慘凡有血性忍忘先帝身殉社稷之烈乎臣去年窮居值此時日北望一哭幾絕痛恨南都臣子若遺若忘何怪忠孝節義掃地殆盡也今

海東逸史

卷十八

七

飲雪軒校本

臣覲顏部曹皆先帝培養之餘澤驚心歲月當遺弓抱恨之春秋遊魂未返陵寢安存眞一回想之一斷腸矣宋高宗每正月朔日率百官遙拜二帝不受朝賀今主上仁孝性成百倍高宗刻刻不忘報仇則刻刻不忘先帝刻刻不忘恢復則刻刻不忘三月十九日今年是日卽魯監國元年追思泣血之首一日也臣請躬率臣民徧諭各藩軍士縞素哭祭每歲定以爲制使人人切齒怒號庶君父大倫從此振起然後昊穹悔禍神人其助報不共戴天之仇而建中興復古之烈也王著禮部傳示速爲舉行甬東正氣集杭人陸培王道焜並殉節廷議賜諡不及道焜守諭爭曰兩人同死何由分其優劣豈以道焜非進士乎今進士而賣國者累累也道焜乃得諡節愍王累欲遷守諭官而難於代者命兼經筵日講江東內附墓志守諭遂行遜江濟朝夕涕洟有慰之者輒告之曰吾不能與

汪長源陳木叔同逝尙何顏立人世其爲詩歌徧哭所知之死國者淋漓悲悽令人不能自勝是時海上未靖柳車從亡日在島嶼之閒守諭不惜傾家助之以是盡落其所有

續者舊傳

一日翁洲破相

言於監司守諭之干涉當道者惟此而已

墓志

晚年困守一廬苦心

易學聚古今言易數十家攷其異同有得卽鈔之積以成帙

曹志甲

辰卒年六十九縣令張幼學赴弔歎曰名可得聞身不可得見也

續者舊傳

子道權謹据鄞縣志補

王正中字仲搆直隸保定人登丁丑進士第未謁選索游於高唐州守以爲銀杠且晚是敵物不如此驚城免士女屠戮流離之苦立要約使與議者押字仲搆與焉事平轉運者上失物狀於是逮高唐守及仲搆論死繫獄數年刑科給事中李靖理而出之降

海東逸史

卷十八

八
飲雪軒校本

補揚州照磨移知長興縣國變後失官避地於紹興截江時以兵部職方司主事攝餘姚縣事是時公私赤立剽奪爲豪市魁里正朝得劄付一紙暮便入民舍根拈金帛係僮丁壯郡縣不敢向問爲某營也仲搆設兵彈壓各營取饑必使經由於縣品覈資產裁量以應之非是則爲盜賊總兵陳梧敗於橋李渡海至姚鹵掠鄉聚仲搆遣兵擊之鄉聚相犄角殺梧行在忌仲搆者以此聲討黃宗羲上疏救之乃止張國柱劫定海列船江上入城牢搜者二千人仲搆攔止國柱終不得志而去田仰荆本徹先後過姚皆帖帖俯首不驚雞犬陞監察御史尙寶寺卿朱大定太僕寺卿陳潛夫兵部主事吳乃武皆從浙西來受約束仲搆短小精悍好讀實用之書其言星象則從閩人柯仲炯於獄中受之行在初建進宗羲所著監國魯元年大統歷又累受宗羲所註授時歷及律呂壬遁

皆能有所發明丁未八月十九日卒年六十九權厝於山陰之陳常壠所著周易註若干卷律書詳註一卷子三捷

謹据黃宗義撰墓表補

章正宸字羽侯會稽人從學同里劉宗周有學行舉崇禎四年進士由庶吉士改禮科給事中疏請帝法周孔仁義黜管商富強則太平可坐致報聞禮部侍郎王應熊者溫體仁私人也廷推閣臣望輕不得與帝特命入閣輔政正宸上言應熊見擯廷推何緣特簡今事因多擾變以刻成綜核傷察宜存渾厚奈何復使很傲之人與贊平明之治哉因力詆其狼籍封靡請寢前命帝大怒下獄拷訊御史米助國金光龔廷獻給事中范淑泰吳麟徵傅朝佑論救皆不聽竟削籍歸九年冬有詔起廢召爲戶科給事中正宸因言起廢旨屢下而與臣同列名若詞臣劉必達楊世芳等已死乞敕所司速舉帝納之藥厥災壞公私廬舍無算正宸言火於五

海東逸史

卷十八

九
飲雪軒校本

德爲禮禮教不修火災乃見陛下臨御初未以沽名市德疑大臣頃大臣救鄭三俊錢謙益忽爲是言是一無禮也史墜下吏疏辨抵稱時局思箝眾口又一無禮也朝廷每一番令甲輒增一番私營如吏部郎張樞芳以不謹被黜巧借城工復職非陳啟新任怨鈔參則考功之法可以金錢贖矣又一無禮也災異頻仍聖心憂憫而戶部主事李鳳鳴謂善言不可退災星亦一無禮也帝是其言時厥衛務羅織人罪而巡撫武弁從而效之正宸言京師死刑視四方獨多其處決視四方又獨速請申飭厥衛巡捕官帝令司巡捕者回奏氣勢稍衰十四年屢遷吏科都給事中周延儒再相中外仰望丰采而門多雜賓正宸其門生也獨不肯附會十五年正旦朝會帝進延儒等揖之待以師傅禮正宸因言陛下隆禮閣臣閣臣宜積誠以格君心不與中官作緣不憑恩怨起見不以寵

利居成功不以爵祿私親暱語皆風延儒及宣大缺總督延儒欲用宣府巡撫江禹緒正宸持不可吏部希延儒指用之正宸復劾其行賄事帝不納延儒欲起江陵知縣史調元正宸止之延儒再召頗得馮銓力欲以守涿功復其冠帶正宸與金光辰力爭事遂寢尋詆兵部尙書陳新甲奸邪薦李繼貞李邦華史可法孫傳庭可代及松山師覆請先正中樞破壞之律然後正行聞失陷之條新甲遂獲罪既而會推閣臣失帝意謫成均州福王立召復故官疏請亟檄四鎮分渡河淮與江北山東協力互爲聲援且請編素率師駐蹕淮上時不能用內傳用張有譽爲戶部尙書正宸以有譽雖有望而中旨不宜出抗疏力爭有譽卒以廷推用魏國公徐宏基等公疏薦張捷命下部議并議前戶部主事鄒之麟前御史張孫振劉光斗起用正宸分別論諸人稍寬捷而力詆之麟孫振

海東逸史

卷十八

十
飲雪軒校本

光斗馬士英不悅擬論詰責回奏上獲免尋以安遠侯柳祚昌薦起用阮大鍼正宸又力爭且曰朝廷如此舉動邸報流傳見臣姓名尙挂仕版必相顧駭愕謂負掖垣職掌萬死何辭乞先放臣歸里士英輩忌正宸居言路遂用爲大理寺丞已見國事日非請假歸魯王監國起吏部左侍郎不受仍署舊官事敗棄家爲僧不知

所之

謹据王鳴緒撰明史彙補

朱之瑜字楚嶼至海外復字魯嶼又號舜水餘姚人少伉爽有志概有持譜獻者謂朱文公子爲餘姚令家於此族人欲附之之瑜曰中有一世訛脫卽難徵信且人貴自立不必攀附紫陽也寄籍松江成諸生提學御史元某以才備文武上諸禮部癸未甲申兩奉徵辟明社旣屋福王建號江南總兵方國安薦授江西按察副使兼兵部職方司郎中監國安軍馬士英方用事遣私人周某偕

同邑何進士東平招之之瑜念方馬終誤大計力辭臺省劾偃蹇不奉詔將逮捕會南都亡遂解黃斌卿奉表閩中勸進唐王加斌卿肅鹵伯鎮舟山之瑜往依焉於斌卿強悍不法數有所救正承制授昌國知縣又表授監察御史管理屯田事務聘軍前贊畫均不應御史馮京第之自湖州軍破也閩關入四明王職方翊軍中時內地單弱欲藉海外之師爲響應京第勸斌卿乞師日本斌卿因命弟孝卿副京第往之瑜從之撒斯瑪王許發罪人三千及洪武錢數十萬京第先歸之瑜留而師不果出己丑魯王駐舟山安洋將軍劉世勳疏薦監紀推官吏部擬兵科給事中改吏科時禮部尙書吳鍾鸞扈王兼督學政以開國第一人薦將授翰林院官先後力辭王翊之朝王也見之瑜恨晚舉孝廉辭辛卯舟山陷飄泊海島轉徙日本交阯暹羅聞甲午徵還敕書達交阯焚香闕讀

海東逸史

卷十八

七
飲雪軒校本

東望涕零戊戌赴廈門朝王不果己亥朝王金門時朱成功張煌言會師入長江之瑜主建威伯馬信營信台州副將降於張名振者也名振死以兵屬成功與忠靖伯陳輝之瑜常往來兩軍間克瓜州下鎮江皆親歷行陣未幾事敗益徬徨無所向返日本日本入安東守約周給之丁未水戶藩侯源光國爲築第駒籠別莊造膝訪道東國未有學著學宮圖說依以創造凡古升古尺簞豆籩錡之屬咸備又命俊秀子弟從受釋奠禮己酉年七十辭歸不聽饗之後樂園以屏風爲壽繪東國及中華耆德六人則武內宿禰藤原在衡藤原俊成太公望桓榮文彥博也己未年八十致祝如初壬戌四月十七日卒年八十三光國遺世子綱條臨喪葬常陸久慈郡大田鄉瑞龍山諡曰文恭構祠堂駒籠別莊親製文誄之瑜生八歲而孤伯兄啟明天啟乙丑武進士南京神武營總兵

都督同知以忤闖削職特旨昭雪授漕運總督國變未赴任行由
總兵効歸

國朝強起之不可後以老壽卒仲兄之瑾諸生弱冠卽天之瑜在
日本苦蚊有勸幃以紗廚者謝曰先世葬域兵後恐遭蹂躪輾轉
思維不敢身處安逸耳凡中華人來必泣問伯兄近狀娶葉氏生
子元模元楷繼娶陳氏生女高字柔端元模屢首父交趾廈門辛
丑歿於海外元楷隱居教授己酉卒柔端六歲喪母年十二遭世
亂卽佩刃自防字何東平子鬱鬱未嫁而亡之瑜篤於友誼初以
詩受知於張國維朝列相知者陳函輝張肯堂同縣則鄒元實斗
東葉大受陳遵之族子錦尤與王翊吳鍾繼朱永祐契之瑜之返
日本也諸將留之張煌言挽之尤力之瑜以海濱無田可耕坐而
糜餉有負本志遂行初交趾王檄取通曉中華文字者被攝至不
海東逸史 卷十八

三 飲雪軒校本

拜王怒錮禁之繼知不可屈遺書有太公佐周而周王陳平在漢
而漢與語答曰天禍明室不佞逃遁貴邦苟全性命如欲委質他
國皇天后土實鑒此心儻異日者瑜藉大王之靈適歸桑梓當舉
貴國攜貳之端昌言於朝使聖王明見萬里貴國得世守藩維歲
貢終王甯不賢於瑜之竭蹶貴邦哉乃縱之歸之瑜問學該博少
從業慈谿李契元有詩數十篇附刻姚江詩存文集二十八卷皆
海外所作日本正德二年源綱條刻之有安東守約序日本高弟
有守約子安積覺又令井將興

謹据朱衍
緒家傳補

楊家駟編
王善長子
參校
藏

